

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ephesini Concilii Generalis Pars III. Sub Cælestino papa I. anno CCCCXXXI.

Parisiis, 1644

Eivsdem Caelestini Episctola ad clerum & plebem Constantinopi
constitutam, post Synodum.

urn:nbn:de:hbz:466:1-15241

ANNO
CHRISTI
431.
ras remotasque prouincias inquietant. Sed eos ille perse-
quitur, cuius fidem sua prauitatem persequi nitebantur : &
quo se abscondant, ad quas latebras configuant, sua se im-
pietate prodentes,* non possunt. Filios vero nostros reli-
giosos viros Ioannem presbyterum & Epictetum diacono-
num cum magna lætitia suscepimus, & cum maiore gra-
tulatione remisimus. Data Idibus Martiis , Fl. Aetio &
Valerio vv. cc. Coss.

EIVSDEM CÆLESTINI EPISTOLA
ad clerum & plebem Constantinopoli constitu-
tam, post Synodum.

*Cælestinus episcopus clero & plebi consistentibus
Constantinopoli.*

CA. XXIII. **E**XVL TATIO matris est congregatio filiorum : denique
laetatur ecclesia ita se filios, quos diabolus disperserat,
iterum congregasse, ut ex his, nisi filius perditionis, nemo
sit perditus, quia eum filium suum nequaquam pater agno-
uit. Illum namque, ex quo erat, sicut legimus, imitatus,
vobis legitimis Dei filiis hereditatem conabatur auferre,
quos dicente Apostolo, pro fide vestra & heredes Dei,
& Christi nostri futuros credimus coheredes. Non ergo
eipalmam de his referre permisum est, qui de ipso magis
per arma fidei triumpharunt. Victores vos, imo commu-
nis regis de hoste victoriam loquitur tyrannus exclusus:
vicit in vobis, cuius incerta fieri diuinitas putabatur. * Se-
paretur * prauitas, questionem dixerim quam sibi vnus-
quisque bene credens debet simpliciter aperire. Quis
enim ad examen vocare audeat Deum, eumque discute-
re qualiter venerit subuenire? Non fuit difficile Deo posse
quod voluit, cum dignatus est liberare, qui potuit. Sed vn-
de illi peccatori in tanta caligine sua lumen non videre?
vnde terrenis argutiis in superioribus positam colligere
veritatem? Hæc in tenebris suis videre non possunt, qui
lucernæ illius verbum nesciunt, quod esse lumen semitis
suis Dauid propheta testatur. Cum quo Psalmographo, ut
supra diximus, matrem laetantem, in uterum suum, quem
dissipatio hucusque ridicula & blasphema turbauerat, re-
uersis filiis, cantare delectat: *Ecce quam bonum & quam in-
cundum habitare fratres in unum.* Competenter hæc ergo

Rom. 8.

Psal. 118.

Psal. 112.

Psal. 132.

* natini-
tas,

ANNO CHRISTI 451. verba de eo fuerim mutuatus, mihi namque ex parte maxima, venerandæ Trinitatis auxilio, ecclesiæ vniuersalis quietem & summam præsentium vindico gaudiorū, quem hucusque omnes qui scandalizabantur, vrebant, & infirmitas aliquantorum faciebat infirmum. Meminit caritas vestra apud vos mihi dudum de patientia fuisse sermonem: iactauit quæ debui semina sacerdos in animo Christiano, nec me in vobis seges expectata decepit. Quid enim patientiæ vestrae messis intulerit, ipsis fructibus approbatis. His inuidens feuerat peritura zizania intra aliquantorum mentes agricola peritus: feuerat longe aliud quam acceperat seminandum, vel inuenerat seminatum. Habeamus certe fidei * nostræ semina, quæ ipsius Domini sermo vel apostolorum doctrina iactauit: quæ quoties ista contingunt, non ea quæ terra suscepit, sed alia superflua corrumpunt. Nihil vestrae simplici fidei messis Domini poterit imputare, qui in euangelio auctorem zizaniæ interrogatus ostendit. Illi tunc dixerunt: *In bono semine unde zizania?* nos dicamus: In tanto regno fidei vnde perfidia? Respondemus tamen vobis sermonibus Christi: *Homo inimicus hoc fecit.* Qualiter vos exercuit priorum palaestra doctorum, fortitudo vestrae mentis adstruxit. ipsis agnitionem debetis huius erroris, quorum hic indignus laudibus fuit, qui bona tam gloria despexit; non partem columbae *Matth. 10.* simplicitati, sed in toto studuit serpentis astutia. Nec mirum, si parans occidere simplices animos, eum suadendo secutus est, qui suadendo primus occidit. Denique verbis *Genes. 3.* illum legimus decepisse, hic inferre mortem non nisi per verba tentauit. Non tamē impune suum est secutus auctorem, quando Iudæ * episcopatum eius alter accepit. Iure *A. 1.* vtrumque tenet vna sententia, quia in vnum, sicut legimus, ambo peccauerunt. Sit licet vterque ante oculos nostros, Saluatoris nostri calumniator, & traditor; tamen deliberare difficile est inter discussorem nativitatis, & mortis auctorem. Facti sui videlicet vacuum statim Iudam pœnituit, præuenit * exitum traditori supplicium proditoris. Ille statim laqueum, peccatum suum confessus, elegit: hic impietas pertinacia gloriatur. Nec ego perfidiæ huic dabo nomen erroris: non est error impietas omnis. Denique quoties ecclesiæ vel eius quieti diabolus inuidus fuerit,

*f. exempl. plo

*f. exitiū oris sup- plicum

intra eam nata contentio saluam seruauit ipsius certaminis causam. Quo proficiebat iste conflictus, quo laborabatur non ut religione quis vinceret, sed ut ipsa religio vincereatur? Meministis certe eius, quia necesse est meminisse blasphemiarum. Sed iam obliuionem tantorum malorum volo sanctis mentibus imperatam: ex animis tollatur qui sublatus est oculis: tollatur inquam, qui sic vocatus est præcursor inferni. Habuit crebras sinister prædicator insidias, tetendit arcum suum frequenter, ut legimus, & ore suo spicula venenata iactauit; neminem tamen vestro in numero quem feriret inuenit: retorta in se tela redierunt, postquam sagittare in obscuro rectos corde non potuit, & nihil in filios lucis licuit filio tenebrarum. Quæ nos de vobis in bello intestino positis cura atque solicitude tunc habuit? In modum dierum duximus noctes, quia talibus causis omne tempus angustum est: non oculos somno declinaimus inquietes. Quem enim caperet dilectio dormiendi, sic vigilante raptore nesciebamus. Quis intra cœlas timor? quanta intra septa formido? quoties luporum iejuna esuries multa circuit, aditu querit prædam, fœuit & absentibus *minata perniciem? quanta hic pro sua cœtatione grex dignus est laude, quem non attigit secum raptor inclusus? Patet causa tuitionis huiusc; in aperto est qui restiterit inimico. Intelligamus & fateamur omnes, quod vos ille tutatus est pastor, qui in euangelio se dicit esse pastorem. adfuit, nec vos deseruit qui patiebatur in vobis. In hunc namque quotidianis acuebatur lingua blasphemiarum, in ipsum dentes suos impius tractator armabat: inani tamen semper elusus est morsu, quando eiusdem pastoris virga vos consolabatur & baculus, cui gregem suum etiam pascendum tradidit iturus ad cœlum. Hæc vobis hucusque non mutata sunt pascua; eisdem pabulis estis impleti; apostolico vos doctores & pio semper sermone pauerunt. Verum noxia fuerat pro salubribus cibis esca supposita, quando aduersarius esurientibus animalibus mixtas spinas floribus exhibebat: nec tamen fraus ista decepit vos, qui Christi suavis odor estis in Domino, postquam vobis longe aliud oluit, quam solebat. Herbam mortiferi graminis horruistis: sepsistis aures vestras spinis, ne linguam nequam potuissetis audire. Non ergo peruenit

*incon-
summa-
perniciem

ad

*Psal. 10.**Ibid.**Iean. 10.**Psal. 21.**2. Cor. 2.**Ecccl. 28.*

ANNO CHRISTI 451. ad sensum, quod offendit auditum; nec interiorem ferire potuit, quod exterior non recepit. Vita tis eum, cui (quantum didicimus) & in faciem restititis. Vita tis, quem a memoria digna sancta Alexandrina ecclesia, secundum beati Pauli apostoli sententiam, iam sciretis esse corrum. Legistis namque, & memoriter iam tenetis sacerdotis, hoc est, catholici ad hunc scripta doctoris, quibus eum ita correptum, ut vellet esse correctum, studuit: nixus est labentem reuocare collegam; porrexit dexteram magisterii sui, in uno volens plurimis subuenire. Per celebat animum veteris sacerdotis, quod nutat episcopus * ruina multorum. egit sicut scriptum est: Benedicam opus Domini diligenter. In nullo ei officio apostoli vir apostolicus defuit: obsecravit, admonuit, increpauit. At ille, qui in profundum blasphemiarum suarum pondere mergeretur, tanti viri doctrinam renuens, & abusus horatu, docilis esse noluit, cum doctor esse non posset: egit iniuriis tenacem recti, peruersitatis assertor: gloriatur hinc; nec contristatus est frater, secum reputans, quod merito sibi conseruo non parceret, qui suo Domino derogaret. Inuentus est per diligentiam ille de euangelio frugi filius, & prouidus seruus. Nam & paternam seruauit substantiam, & auxit numerum talentorum. Nec duplificasse eum, sed multiplicasse dixerim sortem, quem videbamus etiam longe positis pio fœnore subuenisse. O sanctæ prædicationis vsura! Quam hic gratiam ante communem Dominum fidei negotiator inueniet, qui propter animarum lucrum negotium & illic exercuit, vbi * alter accepit? Nonne hic merito a patrefamilias auditurus est: *Enge serue bone & fidelis, intra in gaudium domini tui?* Hæc huic competunt, qui illa quoque, quæ aliis sunt commissa, seruauit. Quid ille auditurus est, quidve dicturus, cum a se commissæ sibi rei ratio requiretur, qui vtique inuoluitur reatu, etiam si vobis per alios perditis esset ipse seruatus? Nostis profecto pro vestra eruditione quæ poena negligentes maneat sacerdotes, quippe quos Apostolus præesse etiam dominibus suis iubeat diligenter. Denique Heli sacerdos per se inculpabilis, diuinam per filios incurrit offensam. Offendit pontifex pater; offendit potestas & pietas. Si igitur ille cum præsumptionem filiorum non refrenat, incurrit;

Concil. Tom. 6.

Nn

1. Cor. 5.

2. Tim. 4.

Matth. 25.

1. Tim. 3.

1. Reg. 5.

2. 4.

quanto magis hic dominum, dum nec ipsi parcit, offendit? Non hunc desidem, non hunc dixerim negligentem. Habiuitis hominem sermonis assidui, atque (apud expertos loquor) habuistis vigilem * perditorem. Nec tamen beatus Petrus apostolus deseruit tam grauiter laborantes.

Nam cum separari tale * vlcus de ecclesiastico corpore * f. mem-
horrens omnibus putredo suaserit, cum ferro obtulimus

& fomentum. Sed ille abusus nostro studio, quo illum se-
Marth. 18. quimur qui nec de pusillis aliquem vult perire, mortem

* desideratus optauit. Denique & medicinam respuens

Galat. 5. elegit abscindi: tulit de se apostolicum, vel hoc nobiscum sentiens, ipse iudicium, vt abscinderetur qui nos contrista-
bat, & volebat conuertere euangelium Christi. Nulla suo

Marth. 18. vitio languenti medico, vt diximus, arte defuimus. Non

factum est nostræ celeritate sententia, vt esset nobis pu-
blicanus aut ethnicus. Scimus qualiter & quoties hos qui ad hæc tendunt, scriptura iubeat conueniri: quod nunc quoque videtur impletū. dicendum denique adhuc. Tunc frater fratrem admonuit; dehinc pertinax uno & altero, imo & multis testibus conuentus est, consequenter ab vni-
uersali ecclesia, nostro quoque sermone correptus. Nihil

præcoquum, nihil in hoc egimus immaturum, quem diu-
turnæ constitutionis seruatus ordo damnauit. Non potui-
mus vltra differre; ne, sicut scriptum est, cum furante

Psal. 49. currere videamur, & cum adultero fidei nostram ponere portionem: maxime quando oculus scandalizans iubea-
tur auferri. Ad hæc, ille compendio toties oblata reme-
dia, campum ad certamen exposcit: sacerdotale postulat

cui non erat interfuturus examen: egrediturus ad bellum,
castrorum dux hostem professus, & docto r fidei contrafi-
dem portans arma perfidiæ; cum non tam profectus, quam

videtur expulsus. Non quæro qualia tunc ad Dominum
vestra vota fudisti, cum exitus doceat quid potueritis
optare. Nec nos gestarum rerum putetis ignaros, quarum

nobis ordinem sancti fratris nostri Cyrilli relatio patefecit.
Admonuit hominem, quem nunc inexcusabilem faceret
ex more conuentio: adesse contempsit. Quis petitorem

Synodi Synodo crederet abfuturum? * Perculsa est illic

falsitatis leuitas pondere veritatis: nec se ausa est fulgori

radiantium sacerdotum latitantis perfidi caligo miscere:

* preff.

ANNO CHRISTI 431. lucem tenebrae fugerunt, quia societatem legimus his esse non posse: inuicem se contraria semper offendunt. Vbi est quod sibi dictum est, quod loqueretur in lumine, & supra tecta, quod audiret in auribus, prædicaret? Sed idcirco volens præsens latere, vt ferendam sententiam verecundia, iudicante conscientia, præueniret; lucernam suam cur voluit habere sub modio, si eam bene putabat accensam? Toto sancto conuentui lucere debuit, vt habere lumen omnium lumine probaretur. Non fallit diuina sententia; quoniam qui in tenebris sunt, lucem videre non possunt. *Iohu. 3.* Mansit absconditus, vt vitando sacerdotale collegium, ipsi renuntiaret quodammodo dignitati. Sic se ille primus homo Adam, peccati sui conscius, ante faciem Domini nudus occuluit; & qui non in eum, sed in eius mandata peccasset, expauit illam quam contempserat vocem, & timorem deceptus incurrit, postquam simplicitatis fiduciam vitio præuaricationis amisit. Nam facit dubitare de crimine confessio latebrarum: nemo se in causis grauibus innocenter abscondit. Sic ergo illius nostræ mortis auctoris, perduto honoris & gloriae vestimento, secutus exemplum, merito hoc cum primo homine Adam fecerit, qui deitatem Adæ nouissimi sic negauit. Non fuit ante oculos tantorum vexatio sacerdotum, non congregatum ex omni pene mundi parte Concilium: absuit ab his, cum quibus se esse nesciret. Quid illi profuit hoc vitasse? Refugere voluit, quos effugere non dabatur. Quaenam ratione possit euadere persequente eo, cui se nullus abscondit? An quia talibus sociis vesus est, sine peccato se existimans, negare indignatus quod Propheta clamauit: *Quo ibo a facie tua, & ab aspectu tuo quo fugiam? Si ascendero in cælum, tu ibi es: si descendero in infernum, tu ades.* Ille clamat, latebram suis deesse peccatis, nec a Deo posse celari. Ille enim fatetur vbique præsentem, quem hic conatur asserere intra utrum defuisse suscepit. Tandem in sacerdotibus suis sanctus, sicut semper, Spiritus viuens unus in omnibus statuit, quod omnibus subueniret. nulla de putredine, nulla de vulnere nascente suscepit; quia diligenter amputatum est, quod manus spiritalis abscidit. *Eiice, inquit Salomon, de concilio contentiosum, & exiet cum illo discordia.* Secum scandulum suum, quod intulerat, amputauit, quia apud vos quod *Concil. Tom. 6.*

Nn ij

Matth. 15. inuenierat, hoc reliquit. Non poterat, loquente Domino, eradicari plantatio, quam plantauerat Pater, & quæ in eo vberem fructum probaretur afferre. Seruauit vineā suam Dominus Israel: domus eius est vinea Domini, & ideo mirandum non est, si furem domus eius euasit, cuius legimus nec dormire nec dormitare custodem. Quid aget impius pertinax? quid sibi spei? quid permanxit auxilii? Non habet locum veniae, cui scriptum, quod nec hic, nec in futuro possit ignosci. Inclinatur omnis elatus; contra, exaltationem parit humilitas Christiana, quia hunc ipse, qui supra eum requiescit, exaltat. Illius per Prophetam verba sunt: *Non habitat in medio domus meæ faciens superbiam*: qui per Apostolum promittit se stultam mundi sapientiam perditurum. Audiat nunc a nobis quod Paulus tunc, & cum prædicaret, audiuit: *Ad insaniam multarum peruenit itinere literarum*. Absit tamen ab eo huius exemplum. Non enim quod de doctore dictum est, dignus est audire indoctus. Cur præterea contra vas abiectionis, vas electionis vocemus in medium, cum ad exprobrandum * hunc ille sufficiat, quem in cruce cum Christo post scelera tanta pendentem, supplicii beneficium fecit Dominum confiteri? Sui ab eo memoriam poscit in regno: hoc breui sermone diluit quidquid admisit, criminibus temporum temporis puncto subueniens. nec moratur præmium confitemtem: statim eius remuneratio & vicissitudo respondit, qui libenter excipit hora ad se quacumque conuersum: *Mecum, inquit, eris in paradiſo*. Promittit ei futuram societatem, qui secum præfensiam pateretur. Ad iustitiam corde credulitas, ad salutem facta est ei ore confessio. Exclamare hic in tanta contrarietate rerum pariter & flere debemus: nefas est, hoc episcopum, quod latro * potuit, non inuenire. O fidei & perfidiæ præmium! o iudicia Dei abyssus multa! Latro paradiſum meruit, & sacerdos exilium. Habemus tamen huiusc rei veros interpretes. Hunc ille positus inter tormenta cognovit, quem hic positus in honore nesciuit. Nonne hoc illud est: *Et homo cum in honore esset, non intellexit, comparatus est iumentis insipientibus?* Quid est aliud intellectus & iudicium, nisi scire sapientiam & disciplinam, & intelligere verba prudentiæ? Illa est vera sapientia, quæ ipso Salomone dicente, de timore Domini

* petiti

ANNO CHRISTI 431. sumit exordium ; quam se inter perfectos loqui beatus Apostolus affirmat : & non tam graue est, quod eam tunc minime mundus agnouit , quam quod nunc episcopus ignorauit . Hoc loco vtar Domini nostri per Ieremiam sermonibus : *Cultores legis meæ nescierunt me ; & prophetantibus iniquitatem prophetis planuerunt manibus sacerdotes.* Et per eumdem alibi : *Sacerdotes mei sacrificauerunt mihi ficte.* Vtetur tamen defensione & laude gentilium , episcopum tales nunquam fuisse testantium . Vere hæc & probabilius loquebantur . Nam quando potuit episcopus inueniri , qui Christianus esse nesciret ? Ideo tamen * inimicus esse probatus est , quia nunquam displicent hostibus proditores . Audiuiimus hunc agentem contra legem , & ini- quum quæ sint solatia prosecuta : adfuerunt inter alias , nec deseruerunt eum Cælestiani iniquitatis operarii , quos Hymnidici nostri persecutus manifesta sententia ; iam dum quippe inimici Dei disperguntur , & pereunt qui ope- rantur iniquitatem ; * sicut idem dicit , velut cibum panis plebem dominicam deuorabant . Habuit ergo secum sui magistros exilii : habuit huiusc rei perfectos tiro doctores . Nam separare difficile est quos scelerata sola iunxerunt ; quia maiore ligantur glutino fodera vitiorum . Quis tamen horum finis est ? nempe ille quem legimus : * *Irritanuit in illo Dominus , & erunt post hoc decadentes sine honore in contumelia inter mortuos in æternum.* Sed quid diutius immoramus ? Fastidium forsitan faciat sermo prolixior : dimittamus mortuos sepelire mortuos suos . Audite nunc & capite simplicis verba doctoris : audite ab eo quæ a maioribus nostris nobiscum positus frequenter audiuit : audite certe semper audita , nec studio nouitatis inuenta . Nostro vobis loquitur ore collega , quia vna fides necesse est * vniter prædicetur . Non hic in eius persona alicuius testimonium mutuatur : a nobis datus est , qui est electus ex nostris . non est incognitus , non aliunde deductus . habuistis laudabilem de præsenti iudicio suo ; fama dudum decepit absentes : plura de eo loqui cautio est , quia opera superuacua est nota laudare . Nunc tamen vos nostris proprijs sermonibus decet cauere commonitos . Nemo in vobis illud quatiat fundamentum , quod firma petra & angularis lapis ille construxit . Ædificate super hoc , catholici , quod soletis .

Nn iij

1. Cor. 3.

Didicistis quid sit superædificare quod ardeat. Hoc detri-
mento illud pensabitur , cum opera singulorum probare
cœperit ignis examen. Gaudeo vos fundamento huic
non stipulam , non ligna , non fenum , sed illas imposuisse
diuitias , quas architectorum sapientium præcepta man-
dabant imponi. Bene manebitis , quia tam solcite fabrica-
tis. Habitaculum magnum tales pollicentur expensæ : au-
ro , argento & lapidibus preciosis , illam vobis quæ æsti-
mari non potest , construtis mansionem. Nullo precio
taxantur æterna , quippe quæ non iniuria , non vetustate
soluuntur , quæ iam ab institutione mundi iustis Dominus

Math. 25.

Isa. 35.

Math. 25.

Math. 7.

præparauit. *Confortentur manus fidelium fatigatæ : labantia ,*
hortante propheta , genua roborentur : qui pusillo sunt animo
conualescant. Noster Saluator apparuit : ostendit falsitati
Deus , quid sit pulsare & incessere veritatem , postquam
sibi controuersia inde facta est , vnde subuenit. Vnde filii
carissimi , permanete in eum qui est , vt vincatis in vobis.
In ipso sensu & in eadem sententia estote perfecti : vt a fi-
lio hominis , cum venerit in maiestate sua , non audiatis:
Discedite a me maledicti ; sed : Venite benedicti , possitis audire.
Maneat hœdos repulsa venturi : vos tales volumus inue-
niri , vt cum in igne stent abiecti a sinistris , vos a dextris
inuitet ad regnum. Non expectabitis vt paretur , quod
olim vos vt regnetis expectat. Angustam nunc portam
festinanter intrate , quæ eos accepit , quos nunquam spa-
tiosa inuenerunt. Hæc dilectioni vestræ pro lætitia ca-
tholicorum dicta sufficient : quæ sæpe recensere vos volu-
mus , vt triumpho fidei gratulantes , intelligatis Deum ca-
ritatis & pacis esse nobiscum. Data Idibus Martiis , Flauio
Aetio & Valerio vv. c c. Coss.